Fernando Vieito Liñares [eds.] (2004): Actas del VII Congreso Internacional de la Sociedad Española de Didáctica de la Lengua y la Literatura. A Coruña: Deputación

Provincial da Coruña; pp. 527-539.

## ROMA LOCUTA CAUSA FINITA? SOBRE DOCÊNCIA E CRÍTICA DA LITERATURA E DA CULTURA

Elias J. Torres Feijó

(Grupo GALABRA) Univ. de Santiago de Compostela

A presente comunicaçom tem por objectivo chamar a atençom sobre o carácter construído dos conteúdos e das focagens do estudo formal (também do nom formal e do informal) da literatura (e, polo geral, da cultura) e das formulaçons da crítica da literatura (e, também em geral, da cultura) como dependentes de instáncias de poder ou apresentadas como emanadas dumha pretensa, embora oculta, *auctoritas*. Sirvo-me da conhecida frase *Roma locuta causa finita* para significar com ela a invariável presença do poder, *Roma*, como emanador de mui diferentes e até contraditórios ideias e objectivos em diversos momentos da história, nutrindo-se de mui variados argumentos e *auctoritates*, agentes e instáncias, mas sempre para preservar os interesses, directa ou indirectamente, do grupo político-económico dominante, para garantir em definitivo a sua hegemonia, e a sua assumpçom quase geralizada polos diferentes grupos do campo cultural, homólogos ou nom daquele. Roma é o espaço central das lutas polo poder, a desputa polos seus mecanismos e, ao mesmo tempo, representa por metonímia os conjuncturais agentes do poder.

De entre os diferentes usos do texto 'literário' ou, em geral, da 'literatura' ou ainda mais alargadamente, da 'cultura', tanto na crítica, como, sobretodo, na docência, poderemos distinguir um nível de usos de natureza ou propósito estético de outros que remetem para valores ou até para umha alegada 'ética da comunidade' que se considera legítima e/ou indiscutível. Neste sentido, os produtos som apresentados desde como exemplares do belo ou do melhor até como elucidadores dumha Naçom¹ ou por antonomásia de assuntos e perspectivas alegadamente 'universais'. Neste último caso, a obra coloca

Um bom panorama e análise do rol da literatura na elaboraçom das identidades nacionais europeias pode ver-se em Anne-Marie Thiesse (1999). De resto, lembre-se que para contextos como o que aqui foco, o tránsito entre umha concepçom da literatura como conjunto universal do saber e do progresso da humanidade ao de compêndio de ideias e valores da naçom e de determinados seus nacionais (ou, como expresso por Sinopoli, 2002:31, como "funcional con respecto a la representación del progreso social y político de una nación") produz-se na Europa ocidental em interacçom com a fabricaçom do estado-naçom moderno, nos séculos XVIII e, sobretodo, XIX. Para um panorama europeu, vid. Sinopoli (2002).

Interessantísimo, entre outros, é o caso brasileiro, cuja construçom nacional, como as hispanoamericanas, emerge na altura em que se firmam as bases da "pedagogia da nacionalidade", em expressom de Maria Helena Rouanet (2002) em relaçom ao par *crítica literária* e *história da literatura*. Aproveito para deixar como referência a todo o aqui tratado a mui interessante e rendível produçom do Grupo de Trabalho "História da Literatura", da Associação Nacional de Pós-Graduação e Pesquisa em Letras e Lingüística, criado em 1992, coordenado sucessivamente polas Profas. Regina Zilberman, Marisa Lajolo, e, na actualidade, por José Luís Jobim. Vária desta produçom pode ver-se em <a href="http://www.pucrs.br/fale/pos/historiadaliteratura/gt/">http://www.pucrs.br/fale/pos/historiadaliteratura/gt/</a>. Na bibliografia citam-se alguns trabalhos directamente vinculados com o assunto da presente comunicaçom de Mello, Ramos, Rouanet e Serra.

problemas, conflitos, etc. que som elevados a categoria do conflito, do problema, que, em termos de escola, o aluno deve perceber e assumir: *Hamlet* é 'a dúvida', *Otelo* 'os ciúmes'. Os materiais repertoriais com que esses livros estám confeccionados (em boa medida, os que sustentam a ilusom da 'qualidade literária') seleccionam-se como o 'bom na história', de que o aluno deve gostar (nom gostando, só se lamenta a insuficiência do aluno ou a imperícia do docente...). Isto revela que, de entre esse conjunto de usos, alguns se aparecem como mais visíveis que outros aos seus transmissores e receptores, podendo acontecer, até, que o que uns vejam como claro nom se apareça assim tanto para outros. Às vezes os menos visíveis costumam coincidir, nom paradoxalmente, com os mais evidentes ou simples na sua formulaçom porque recobertos dumha tona que impede ver 'antes' ou que, já, nom deixa ver; mas igualmente porque os receptores nom estám disponibilizados para assim perceber.

É conhecido que nestas questons, nom de cánone mas de canonicidade, nom de canónico mas de canonizado (portanto, resultado dum processo, Even-Zohar: 1997) talvez seja o livro de Harold Bloom *The Western Canon* (1995:2-3) o exemplo mais eloqüente e claro. Bloom analisa vinte e seis escritores, cuja seleccçom proclama como "not so arbitrary as it may seem":

"They are haven selected for both their sublimity and their representative nature. (...) I have tried to represent national canons by their crucial figures: Chaucer, Shakespeare [Shakespeare, the largest writer we ever will know(3)], Milton, Wordsworth, Dickens for England; Montaigne and Molière for France; Da, nte for Italy, Cervantes for Spain; Tostoy for Russia; Goethe for Germany, Borges and Neruda for Hispanic America; Whitman and Dickinson for the United States. The sequence of major dramatists is here: Shakespeare, Molière, Ibsen, and Beckett; and of novelists. Austen, Dickens, George Eliot, Tolstoy, Proust, Joyce, and Woolf. Dr. Johnson is here as the greatest of Western literacy critics".

A isto soma Freud, Proust Joyce e Kafka: "they personify whatever literary spirit the era possesses". E Pessoa tratado no capítulo "Borges, Neruda and Pessoa: Hispanic-Portuguese Whitman" (1995: 463-492).

Cito estas palavras nom para aprofundar numha crítica do cánone aludido, nom o único mas sem dúvida o dominante, nem para desenvolver o evidente tema da domináncia dos sistemas anglógrafos e, de entre eles, os pertencentes à Grande Bretanha e aos USA, e as suas conseqüências, e as hierarquias no cánone estabelecidas, com França a seguir e um pouco de espanhol, russo, português, italiano, alemao, um representante escandinavo e dous hispanoamericanos e a sua homología com o domínio político e económico desses estados (onde os aditamentos de autores canonizados em sistemas culturais ou pátrias lingüísticas dominantes e dominadas alicerçam o domínio com a sua ilusom de representatividade). Nem mesmo, embora queira também aludi-lo, do que pode chegar a significar a auto-assumpçom da *auctoritas* que supom pôr um cánone. Sim, mais, pola impostura que isto significa: a mixtificaçom dumha opiniom com(o) um dever de transmissom como 'bem da comunidade', em virtude dumha tradiçom e dum presumível referendo de dadas elites, ("Originally the Canon meant the choice of books

in our teaching institutions, and despite the recent politics of multiculturalism, the Canon's true question remains: What shall the individual who still desires to read attempt to read, this late in history?" di Bloom (1995:15). Justifica-se assim a formalizaçom através do Estado e dos seus mecanismos de reproduçom, neste caso nomeadamente a instituiçom educativa, de determinadas formas e determinados valores projectados e/ou derivados de obras e autores acausalmente (sem dar ou explicar a causa) ou metafisicamente: que é, como se define, quem o fai, para quem é a 'sublimity and representative nature'? Que é 'to personify whatever literary spirit the era possesses'. Certamente, Bloom combate nesses textos o que denomina the School of Resentment, mais amplamente o multiculturalismo, em virtude das circunstáncias vividas no fim de século em muitas universidades estadounidenses. Nom é difícil para ele, nesse contexto, a crítica porque nom poucos desses movimentos, polo geral, aceitam as regras de jogo de críticos como Bloom, as regras de jogo dominantes: tentando mostrar o carácter construído da canonicidade, querem abri-la, desejam que outros 'representantes' que nom sejam brancos, ocidentais e estejam mortos, construídos por eles, podam 'entrar'; nom impugnando nem repertórios nem parámetros dominantes e aceitando como imperativo categórico a existência de hierarquias em virtude de 'qualidades', cada um definindo as suas em funçom dos seus interesses. Assim as cousas e vingando (já muitas vezes por interiorizados) os materiais e construtos dos grupos dominantes e os seus mecanismos (os que fam que Shakespeare seja Shakespeare: pense-se que as pessoas que lemos os textos literários costumamos ter, de praticamente todos eles e dos seus autores, um conjunto de ideias prévias. Essas ideias, conformadas por mecanismos e interacçons de índole diversa condicionam a nossa leitura como, antes, a nossa escolha ou tendência de leitura. O que para qualquer de nós signifique Shakespeare, Rosalia de Castro, Eça de Queirós, como Tarik Agfa ou Tin-Ztu, As melodias da noite impredizível ou Hamlet tem no seus aspectos comuns a ver com umha compartiçom e formaçom similares, procedentes nom de um oráculo ou livre alvedrio mas da interiorizaçom de determinados elementos através de determinados canais), as pretensons 'multiculturalistas' ficam reduzidas a umha condescendente caricatura.

Todo este tipo de construçons sustenta-se em duas razons que, ao mesmo tempo, som convertidas em objectivos: um dado saber e um dado prazer, transformados em normativos, apoiados na auctoritas de quem os manipula igualmente como auctoritas: Bloom, que fala nas primeiras linhas do seu livro dos autores que selecciona precisamente como "authoritative in our culture", escreve anos mais tarde um agressivo best-seller para o campo da crítica literária ocidental, *How to Read and Why?*, numha sequência de textos similares de outras tantas autoridades, de Steiner a Todorov, situadas no venerado e inatingível estrato do sublime.

Este meu recurso a Bloom (e ao multiculturalismo) quer ser apenas exemplo de atitudes que pugnam hoje em determinadas esferas da crítica e do ensino, agora referidas com independência do grau de consciência dos agentes implicados. O que quero aqui pôr em causa nom é que as pessoas tenham opinions sobre literatura (gosto, aliás, de muitas das opinions de Bloom), mas que, investidos de auctoritas, determinem o bom e o mau, ocultando o carácter da sua opiniom; e que a opiniom e o seus resultados sejam transferidos ao ensino como objecto de estudo sem tampouco interrogar-se por qué eles existem. O caso de Bloom torna mais visíveis alguns factores e interesses perante umha

posiçom (que fai passar por) ameaçada, respondendo mui principalmente a determinadas dinámicas do ensino superior estadounidense, cujo sucesso nos nossos sistemas mostra precisamente a domináncia a que antes aludim. Com este tipo de práticas, o campo literário coloca-se em extrema dependência do do poder, e a sua heteronomia é de tal maneira invisibilizada que oculta mesmo que som princípios provenientes do campo do poder os que determinam o estudo do 'sublime', 'inasível', universal, do que estaria por cima de qualquer contingência...

O ensino formal obrigatório (ou o formativo para habilitar docentes de ensino obrigatório) é a instáncia institucional em que o Estado mais determina os seus mecanismos de reproduçom. Utilizo umha amostra, tomada espigadamente, para ilustrar o caso que nos ocupa: o da Literatura espanhola no sistema de ensino espanhol. O Real Decreto 937/2001 afirma entre os objectivos a atingir polos alunos da "Educación Secundaria Obligatoria" "conocer, respetar y valorar las creencias, actitudes y valores de nuestro acervo cultural y patrimonio histórico artístico", colocando como matéria obrigada, entre outras, "Lengua Castellana y Literatura". Na "Introducción" ao seu programa podemos ler como objectivo o de "avanzar en la educación literaria". Indica-se que o aluno deverá "valorar las restantes lenguas constitucionales", e o docente deve fazer descobrir a leitura e a escritura "como fuentes de placer y de fantasía, de información y de saber", de desfrute. Di-se que os alunos, "como ciudadanos, tienen que conocer las relaciones que se establecen entre la lengua y la sociedad", acrescentando que "el conocimiento riguroso de estas relaciones les va a permitir entender el mundo que los rodea, ya sea en el carácter plurilingüe de España, como en las dimensiones americanas de la lengua", e afirmando-se aplicar "este mismo principio teórico" ao ensino da "Literatura, en la que se recomienda muy encarecidamente el uso de ejemplos en las distintas lenguas constitucionales y, también, en las principales lenguas extranjeras".

Repare-se no modo de denominar às outras línguas reconhecidas como cooficiais em determinados territórios do Estado: línguas 'constitucionales' nom parece um critério 'literário', que, por certo, nunca aparece definido... Mais: por qué aparecem estas 'literaturas' se é "Lengua Castellana y su Literatura" a cadeira: para dar base a um cánone dominante em língua espanhola sobre aquelas?; para fixar que todas som 'literatura espanhola' expressa em várias línguas (castelhana e outras)? As atribuiçons ao docente som de mui diversa índole, como também ao texto literário, por sê-lo... sem indicaçom de como se mede a consecuçom dos objectivos nem do responsável de atingi-los. As aulas som de prazer ou de estudo da literatura? Por qué se coloca a literatura em dependência da língua ou mesmo da cidadania (e nom a arquitectura da geologia, por exemplo)? A 'literatura' é responsabilizada, ademais, por

"el conocimiento y el aprecio del hecho literario como hecho lingüístico, producto de un modo de comunicación específico, analizando y considerando los principales tipos de procedimientos literarios como expresión del mundo personal y como producto social y cultural que se enmarca en un contexto histórico".

Por qué se aplica esta crença romántica da "expressom pessoal" (e nom por exemplo, a pessoana do poeta fingidor); e por qué logo se coloca a mesma literatura "como producto social y cultural que se enmarca en un contexto histórico" quando nunca se

prescreve como isto é ou deve fazer-se? (ou que é o contexto histórico?). Afirma-se que a "práctica docente" deve "estimular el gusto por la lectura, en particular de obras literarias, y facilitar el acceso a los libros", e deve criar "la necesidad de que los alumnos formen su biblioteca personal". Recomenda-se para o primeiro ciclo de ESO "primar la lectura", para "afianzar el dominio de sus mecanismos para que la comprensión del texto no se vea limitada", "por medio de una serie de preguntas, nunca muchas, orientadas hacia aspectos importantes de la obra". Para o segundo ciclo é reservado o início do "acercamiento a la literatura siguiendo un orden cronológico", devendo-se tentar "que el alumno aprecie en qué medida se refleja en la obra la época en que fue creada". Acrescenta-se: "La lectura de obras completas y de fragmentos representativos, debidamente contextualizados y analizados, puede ser una vía de acceso a la literatura". Por qué tem que constituir-se umha biblioteca pessoal e nom fomentar o uso das bibliotecas públicas? Quem define os aspectos importantes da obra e em base a quê? Ou como se reflecte na obra a época en que foi 'creada'? Que é a 'época'?

À Literatura atribui-se também o carácter de mediadora idónea "para conseguir, a través de la lectura de las grandes obras, la madurez intelectual y humana del alumno", atribuiçom que nom se fai, por exemplo, a "Ciencias de la Naturaleza". Ela; di-se, "no debe entenderse como una variedad más de discurso" (antes afirmara-se que o objectivo era o "aprecio del hecho literario como hecho lingüístico"), mas:

"sobre todo depositaria de ese bagaje de experiencias, emociones, sentimientos y de creación de universos significativos que los escritores nos han legado en sus obras, una fuente inagotable de disfrute, de educación de la sensibilidad y de enriquecimiento intelectual y afectivo".

Já agora: qué fazemos com obras e autores canonizados apologetas, por exemplo, do militarismo desde a antigüidade clássica até à denominada vanguarda europeia? Repare-se como mínima conclusom do antedito que o que está na esfera do gosto é determinado a elevar-se à categoria de universal, como também a prática particular de determinados indivíduos e, mui especialmente, a projecçom que sobre os seus produtos fai, digamo-lo assim agora, os agentes que tenhem poder. O Programa avança por este tipo de caminhos, falando de assuntos relevantes ou autores "representativos" que nunca se di como som determinados e reclamando um vínculo com as "Literaturas europeas", além das das "lenguas constitucionales" que tampouco se determina nem especifica, ainda que nalgum caso e quando se considerar necessário poda abordar-se "aspecto tales como el resumen, la estructura, los modos compositivos, la función de algún personaje, etc". Depois de tanto e tam variado conjunto de objectivos e funçons, os únicos "Criterios de evaluación" referidos à Literatura som:

- "8. Identificar el género al que pertenece un texto literario leído en su totalidad y reconocer sus elementos estructurales básicos y los grandes tipos de recursos lingüísticos empleados.
- 9. Establecer relaciones entre obras, autores y movimientos fundamentales en la historia de la Literatura y conocer algunas obras o fragmentos de las Literaturas de las lenguas constitucionales y de la Literatura occidental".

Este teor é mantido para os restantes cursos. En Terceiro aparecem já umha série de

autores, respondendo ao cánone dominante espanhol, com particular presença do mundo medieval (o que *alicerça* a fundaçom e a essência da Naçom), do denominado "Século de Ouro" (aqui introduzindo Shakespeare e Molière sob o rótulo "el teatro europeo", nom como elementos de comparaçom mas de simples modelos canonizados²); o Século XVIII é despachado sem mençom a autores³. No Quarto, inclui-se Rosalia de Castro: a que literatura pertence e em virtude de que? É a língua umha norma de sistema em todo o tempo e lugar; é o 'filológico' um critério científico ou ideológico? Pronto: quem define os autores, quem os temas ou assuntos? Quem periodiza? (periodizar é umha maneira de classificar a história; e, segundo os critérios de classificaçom deduzem-se modos de conceber e transmitir essa história...). Por qué se destina maior espaço a uns e nom a outros?. Que representam uns e outros? Que se lhes fai representar?. Sobretodo, como é focado o seu ensino?

Até aqui umha síntese do ensino 'obrigatório' de Lengua Castellana y su Literatura''. No Real Decreto 3474/2000, no referido à "Lengua Castellana y su Literatura I y II", para os dous últimos cursos da Secundária, repetem-se similares funçons e objectivos; apresenta-se em pormenor alguns autores (com destaque para Cervantes<sup>4</sup>), define-se a literatura como "la memoria universal de la humanidad, el archivo de sus emociones, ideas y fantasías, por lo que colabora en la maduración intelectual y humana de los jóvenes". E os critérios de avaliaçom som, quanto à literatura:

"3. Interpretar y valorar textos escritos específicos (humanísticos, periodísticos, científicos, literarios, etc.) analizando su construcción interna y las relaciones del autor con el texto y con la época.

8. Identificar el género al que pertenece un texto literario y recono-

Parece-me oportuno, por outro lado, anotar aqui e a este teor as estimulantes e mui pertinentes reflexons sobre a renovaçom da metodologia em história literária comparada do Grupo de Teoria de Literatura e Literatura Comparada da Universidade de Santiago de Compostela, de que salientam os trabalhos referenciados na bibliografía de Fernando Cabo, César Domínguez e Arturo Casas, investigador a quem, ademais, agradeço as suas igualmente oportunas consideraçons e recomendaçons para melhorar este trabalho. Maior informaçom sobre este Grupo pode encontrar-se na página http://www.usc.es/~teoria/ da Área de Teoria da Literatura e Literatura Comparada da USC.

E que tem sido em ocasions denunciado; por exemplo na Itália, alguns docentes tenhem reivindicado umha dimensom supranacional dal literatura afastada desta perspectiva; no denominado "Documento dos sábios", de Maio de 1997, reivindicava-se umha "Nueva mediación crítica por parte de los docentes, que debe ser de tipo intercultural, es decir, no sólo no eurocéntrica, sino sobre todo centrada en el trinomio inviolable lengua-nación-literatura." (Sinopoli, 2002:54). O interessante, nesta reformulaçom, do meu ponto de vista, é a explicitaçom do carácter construído dos valores atribuíveis à literatura. Sobre os 'valores da língua' nas literaturas e na pedagogia da naçom pode ver-se Rouanet (2002). Noutro capítulo do livro de *Introducción a la literatura comparada*, editado por Gnisci, Francesca Neri (2002:392), prolongam-se estas reflexons, explicitando a "operación ideológica" que o cánone dum programa de literatura significa como reflexo do "gusto de varias épocas, pero también de la sociedad en cada ocasión espera del estudio de la literatura", pormenorizando que "o proceso de canonización de una obra literaria no es transparente, aunque ciertamente la obra canonizada tiene características que corresponden a las necesidades de quien ha contribuido a formularlo, reflejando su identidad, sus valores éticos y políticos, sus finalidades educativas, su idea del papel desempeñado por la misma literatura".

Este esquema programático e as suas 'utilidades' estám já presentes na R.O. de 24 de Junho de 1846, da Dirección General de Instrucción Pública para os níveis primário e secundário, reflectindo a colocaçom do ensino da literatura ao serviço dos valores pátrios e morais das classes dominantes em Espanha no quadro dumha reforma do ensino de eminente carácter planificador da cultura (Núñez, 1996:191-192).

<sup>&</sup>lt;sup>4</sup> Cervantes é o seu *Quijote*. Para umha panorámica da sua introduçom e usos no ensino desde meados do século XIX, vid. Núñez, 1996: 194 e ss.

cer sus elementos estructurales básicos y sus recursos lingüísticos.

- 9. Establecer relaciones entre obras, autores y movimientos fundamentales de la literatura española, conociendo el marco histórico y cultural en que se han creado y la evolución histórica de las diferentes formas literarias.
- 10. Conocer y valorar las obras y los autores más representativos de la literatura en las diversas lenguas constitucionales y en las grandes líneas de la literatura universal."

É todo umha questom técnica? Quem decide e em virtude de que? Que elucidam e que ocultam essas perguntas e as suas condicionadas respostas?

A análise destes procedimentos situa-nos imediatamente num lugar de interesses e de pugnas... O que resulta óbvio é que à literatura e ao seu ensino é atribuído todo um acúmulo de responsabilidades que oculta outras mui especiais e a sua configuraçom, inexplicadas; e que se fai ao docente assumi-las sem discussom: transmite-se um cánone como summa teológica, apoiados em juízos de qualidade e representatividade cujo fundamento nunca é formulado; projecta-se nele umha série de valores que seriam imutáveis e assim universais, confundem-se os planos do gosto<sup>5</sup>, da sensibilidade ou do prazer (que, por si, pertencem à esfera pessoal) com os desses pretensos universais (fazendo ao aluno aspirar a esse gosto, como todos socialmente construído, e duvidar do seu próprio); atribui-se umha múltipla transcendência à literatura, ao modo romántico, todo remetendo para umha auctoritas que nem tem rosto (apela-se de contínuo à tradiçom, e ao pronome impessoal, como eu fago aqui, como se isto fosse umha construçom democrática e arcánica ao mesmo tempo), e, ao mesmo tempo e nom paradoxalmente, vamse entrevendo auctoritates mediadoras, muitas transmisoras que tenhem interiorizado esses valores e nom se questionam o seu carácter: há sempre um professor/texto/manual, enleado ele precisamente em assumir as propostas dominantes no campo ou em esclarecer textos, imagens, significados, etc. precisamente construídos sobre interesses e gostos que geram importantes contradiçons: Por qué Lope de Vega e nom Moreto, por qué tal metáfora significa isso (recordemos a nossa adolescência estudiantil) ou por qué nom Lao Tse e sim Calderón? O docente ou o manual exerce um labor exegético, mesmo que nom saiba de que fala ou nom goste do texto em questom: en fim, mesmo que contradiga os princípios enunciados<sup>6</sup>.

Pensemos agora, por citar mais umha dimensom do assunto, na crítica de cinema dum jornal e na qualificçom outorgada aos filmes: reparemos nas nossas mais, avoas,

Também na mudança operada polo sentido desta palavra podemos encontrar a evoluçom semántica e a mistura de significados derivados dos diferentes usos da literatura historicamente considerada como material de ensino e transmissom de valores, desde o discernimento racional (de verdade ou falsidade) ao considerado intuitivo ou emocional (do belo). Vid. Valero (1996:187-188). O (bom) gosto, nesses termos, é resultado de determinados interesses, constituindo dele, no caso que nos ocupa, umha categoria que alicerça as escolhas literárias e, ao mesmo tempo, ilustra, no tránsito de parámetros de mediçom, as mudanças operadas no campo do poder. Sobre a construçom social do gosto é imprescindível o conhecido texto de Pierre Bourdieu e a sua equipa La distinction: critique sociale du jugement (Bourdieu, 1985).

Reflectindo sobre esta problemática, Tânia R. Oliveira Ramos julgava "premente" para a Literatura como disciplina no Brasil (2002) "uma ruptura com o que tradicionalmente foi posto como inerente à produção docente, ou seja, transmitir um saber pronto e acabado, colocando o trabalho docente em um novo patamar: o de participante de um processo de construção individual e social".

pais, avós: o que para nós, em geral, é ponto negro para eles pode ser cinco estrelas e vice-versa. A questom, que certamente é de gosto, rodeia-se de características técnicas e de auctoritas, outra vez, do magistério do crítico, e converte-se num discernimento entre o bom e o mau. Nós parecemo-nos em geral mais ao crítico que ao avó. E, se fosse o caso, custaria-nos reconhecer que nos identificamos com o gosto fílmico da avoa e nom do crítico. A avoa pode mesmo chegar a sentir e interiorizar que ela gosta do mau e que deve aspirar ao bom que o crítico define e representa., a padecer en fim o que Bourdieu (1983) redefine como violência simbólica. A coincidência entre receptores dessa crítica e crítico produz-se em funçom de partilhar similares trajectórias, *habitus* e capital cultural. e ocupar similares posiçons no campo da cultura ou a elas aspirar, diluindo-se na medida em que aparecem divergências nesses factores.

Esta classe de concepçons dominante opera fundamentalmente retirando o espaço de decisom ao receptor; a proposta 'artística' ao nom manifestar-se como contingente e construída (en fim, ao convertê-la em imposiçom) coloca em inferioridade outros produtos e valores, que se pregam. Ao confundir a análise técnica e de valores da obra com o gosto (partindo da base de que o gosto deve aspirar a harmonizar-se com o que já nom é umha proposta); e ao confundir os planos do conhecimento técnico ou sociológico da obra com o conhecimento e a exegese 'espiritual' da mesma, vernizada dos interesses e o gosto das auctoritates, coloca-se claramente o campo artístico em dependência do campo do poder, que nom tem rosto porque, por sua vez, generalizados e interiorizados como bons e sublimes os tais gostos e interesses e alicerçados na Tradiçom, isto é, na história colectiva da Comunidade, dilui-se e 'irresponsabiliza-se'. O que se verifica assim nom é apenas sistematicamente umha imposiçom de determinados textos e obras e o que elas podem transmitir, mas o que está por tras dessa imposiçom: o domínio de quem tem poder de quem pode exercê-lo: Roma. Roma locuta, causa finita. A cousa (textos, obras, críticos, funçons, etc.) apaga a causa: a literatura ao serviço da transmissom de valores e interesses mesmo alheios em origem e enunciado à cousa. Na mesma peripécia do entendimento da frase, particularmente da acepçom da palavra causa, encontramos algumhas chaves do modo de funcionar a imposiçom de produtos culturais. A passagem de causa a cousa: a origem converte-se em expressom e o objecto oculta a raiz.

Um impulso quase inerente a este detenta o poder: conservá-lo. Os grupos que pugnam por ele costumam desenvolver estratégias de conservaçom, onde muitas vezes os princípios invocados (que, na teoria som imutáveis e universais, ocultando o seu carácter construído) podem ser substituídos por outros mesmo contraditórios, ou servir-se grupos adversos de similares tácticas para a sua conservaçom. O assunto está encerrado só para quando se consegue impor, mais ou menos legitimamente, nesses termos. Os elementos que detentam o poder podem afirmar exactamente o contrário e com a mesma força de enunciados prévios por eles emitidos; ou grupos encontrados podem utilizar os mesmos mecanismos para garantir a sua domináncia; outra vez a história da máxima por parte *do poder* é eloqüente: utilizada no Império romano para encerrar e evitar qualquer discussom, foi reactivada na Idade Média por determinados sectores da Patrística Cristá para igual fim, rodeando-se mesmo de auctoritates como Aristóteles (Aristóteles dixit...) impossíveis de consultar sobre tal matéria e absolutamente alheios ao assunto em causa. Introduz-se umha lógica que leva a sancionar qualquer outra, herética portanto, que nom

interesse a Roma... Ninguém em seu sao juízo ou com sentido comum (repare-se na aparente obviedade destas duas imposiçons) pode pôr em dúvida Roma ou Aristóteles...

O poder transmite-se, a instáncia/instituiçom de decisom permanece: Roma, invisível porque costuma cifrar as suas formulaçons como universal ou, polo contrário, como sinal dos tempos, mas sempre produto do seu indiscutido e inspirado poder. O que se ensina aí "é de Deus" como todo o comentado sobre a Literatura é de sempre.

Interroguemo-nos ainda sobre outra questom, que quero ao mesmo tempo situar como resumo do antedito: Por qué existe a cadeira? Nunca se argumenta a existência da tal cadeira de Literatura (aqui 'Castellana'). Por qué nom Literatura Chinesa ou Mundial, se nom é para alimentar determinada memória da Naçom...? Como se decide todo isto? A importáncia da delimitaçom do que é ou nom é literatura pátria estriba-se no valor identitário que a esta se atribui a respeito da Naçom. Aqueles processos e fenómenos a que antes aludia definem-se ou expressam-se através de determinados factores, apresentáveis como substantivamente invariáveis ao longo do tempo: umhas fronteiras, umha raça, umha língua, um lugar de nascença ou morada. Todas estas, algumha apenas, outras, som constituídas como normas do (proto-)sistema literário/cultural da comunidade, normas sistémicas a delimitarem o que é ou nom é literatura nacional e princípios básicos do manual de instruçons que se activam na participaçom no tal sistema, e de cuja interpretaçom depende o uso, a posiçom e a funçom que se faga ou tenha do e no mesmo. Qualquer dessas balizas, que podem aparecer em dado momento como indiscutíveis ou, polo menos, indiscutidas, som o resultado da imposiçom como legítimos do que Bourdieu denominou, em geral, princípios de visom e divisom por parte de determinados grupos (por ex. 1997). Assim mesmo, procura-se articular essas normas sistémicas em coerência com o que consideram balizas definitórias da Naçom. Essa coerência obedece a um fundamento monológico e quase mítico da expressom nacional segundo o qual 'somos' como resultado natural e essencial do que fomos depois de um prévio nom sermos nada claramente definido; portanto, o que sejamos deve estar presente e nítido nas origens da Naçom (mesmo atribuindo a essas origens igual normatividade que a que se quer para definir o presente), porque é garante da existência diferencial como povo. E, assim, se a Naçom X é definida polo uso da língua A (ou das línguas A, B, C, havendo aqui, regra geral, novas pugnas e hierarquias) por parte dos nascidos ou nacionalizados na tal Naçom X, essa deve ser também a definiçom dos seus literatos e das suas literatas. E tenhem a fundamental funçom de contribuir para manter a coesom sócio-nacional. Por isso som objecto de educaçom, formal, nom formal e informal na comunidade. Resulta deste modo que na Primária e na Secundária do caso que nos ocupa se estude obrigadamente Literatura Espanhola e História de Espanha, por exemplo.

Os objectivos que se quer cumpra a Literatura nacional, a funcionalidade que comporta, nem se esgotam nem culminam com a sua definiçom sistémica. Esta permite sobretodo saber nom tanto o que é como o que nom é nacional. A culminaçom das suas funçons, em termos nacionalitários, resulta da ordem, da arrumaçom que se faga desse conjunto histórico. Esta arrumaçom, que releva por sua vez dum longo e complexo processo de canonizaçom em que múltiplos elementos repertoriais e factores estám em jogo, com mui diversas procedências (*nacionais* e *internacionais* também...), remete igualmente para os interesses de pessoas, grupos ou estruturas interactuando para imporem os seus princípios numha parte ou no todo do sistema cultural de referência. Nesses pro-

cessos, elementos dominantes como prestigiosos, trajectórias, esquemas ético-ideológicos e visons e 'necessidade(s)' da naçom som importantes activos<sup>8</sup>. O que está em jogo é o que depois acaba por definir-se como valores, individuais, colectivos ou da colectividade, eventualmente reflectidos, expressos e muitas vezes projectados nas obras e/ou autores canonizados, mascarados nom raro de pretensos (valores) estéticos universais; em ocasions, como quando se agudizam as contradiçons no campo, caem as máscaras, e o carácter de representaçom/pose das tomadas de posiçons esvai-se. De todo isso saem por exemplo os nomes referidos no Programas citados e isso explica que outros nom apareçam e outros estivessem mas já nom estám. E, daqueles, uns textos e fragmentos sim, outros nom: um cánone com certo grau de acordo (em que nom está ausente a violência simbólica exercida, claro) e com algumhas margens de instabilidade.

O processo mesmo em que a literatura se consolida como disciplina autónoma a partir do século XVIII, mas, sobretudo, no século XIX nos Estados-Naçom ocidentais é elucidador desses papeis que se fam jogar à literatura *nacional*, como também à história *pátria*, e como dele se derivam os manuais de literatura que vam ser colocados no ensino regular, como mecanismo para "fixar, em cada indivíduo, o sentimento de pertencer a uma comunidade", mecanismo iniciado na França, como o estuda François Furet em *L'atelier de l'histoire*, Paris, Flammarion, 1982 (Mello, 2002). Como o é da projecçom

<sup>&</sup>lt;sup>7</sup> Tratando da sobrevivência do cánone, sintetiza Francesca Neri (2002:393):

<sup>&</sup>quot;A los ojos de nuestros contemporáneos, la persistencia en el tiempo de estos textos [os canonizados] no parece poder depender de elementos puramente estéticos u «objetivos»: son precisamente las instituciones, que reflejan los deseos e intereses de quien gobierna, las que garantizan su resistencia al tiempo. Lo que parece ser la causa de este proceso, es, en realidad, su consecuencia. Las obras maestras son las que han sido consagradas por la tradición, las que han mantenido su importancia en el curso de la historia, y sin las cuales la idea misma de tradición literaria no existiria".

Mas a questom permanece se nom nos interrogarmos que há realmente por trás de conceitos como obras 'maestras' ou 'tradiçom'...

Mesmo verificando-se mecanismos de apropriaçom do outro quando este é prestigiado, invocando (em histórias da literatura ou curriculos) 'normas sistémicas' diferentes às que delimitam os ámbitos de aplicaçom enunciados e só aplicadas parcelarmente. Coloquemos alguns exemplos 'históricos' para o caso que nos ocupa: Juan Francisco Masdeu incorpora Camões à sua Storia critica di Spagna e della cultura spagnuola in ogni genere (1781-1787) por ser "portugués de nacimiento y español de origen" (in Cebrián, 1996:571). Ou quando se utilizam normas sistémicas intangiveis, como a do 'génio' ou 'espírito' nacionais, que permitem a inclusom em histórias da literatura de determinadas comunidades escritores pre-existentes à realidade política ou institucional que dá razom de ser a essas codificaçons; é este o caso da inclusom em histórias da literatura espanhola de Séneca o Lucano, que já Amador de los Rios na sua Historia crítica de la literatura española (1861-1865) reunia por apreciar neles 'cualidades que pertenecen al genio español de todas las edades, como han pertenecido siempre a nuestra peninsula el clima meridional y la prodigiosa fertilidad de sus campos" (Romero, 1996: 177). Esta visom positivista, que paira hoje na história literária espanhola, como noutras, ficará perfeitamente reflectida na Defensa de Menéndez Pelayo do *Programa* de provas para cátedra da sua época, à procura do 'ingenio español':

<sup>¿</sup>Cuándo empieza la literatura española? ¿Desde cuándo hay espíritu nacional? Claro que no le hay entre los primeros pobladores de España, ni en la época romana, ni en la visigoda; pero sí elementos y formas de carácter nacional, que se reflejan en la lengua y en el arte literario" (cit. por Romero, 1996: 180, el subrayado es mio).

Mas arranca dos textos de Gil de Zárate vinculados à reforma do ensino nos meados da década de 40, à procura do "verdadero sello de la nacionalidad" dos escritores considerados espanhóis (López, 1996:211). As primeiras vinculaçons de histórias literárias e ensino no caso espanhol e a sua funçom, canonizadora podem rastrejar-se em finais do século XVIII (Valero, 1996:175 e ss.) Para um panorama do desenvolvimento do ensino regrado da literatura em funçom dos interesses nacionais de grupos e/ou classes dominantes no contexto do estado espanhol, pode ver-se López, 1996.

de determinados valores do Estado nacional, por vezes caracterizando valores irredutíveis a outras literaturas nacionais: "Ser francês é, entre outras coisas" sintetiza Mello o uso da língua francesa após a Revoluçom, "exprimir-se na língua da clareza e com uma lógica cartesiana irrefutável".

Em minha opiniom, a alternativa para a docência da literatura, mesmo com programas como o visto, deve deslindar precisamente a esfera do privado, do gosto, do prazer, etc. do plano da inculcaçom de valores e ideários (nom vamos referir o caso de 'grandes' leitores ou escritores', tam 'grandes' como perversos) do que pode ser objecto de análise e interpretaçom científica, ou, no mínimo, rigorosa e objectivável, campo da ciências humanas e sociais. Partir da base e analisar o carácter construído de qualidades éticas e estéticas nom impede, antes polo contrário, que se elaborem e defendam legitimamente. Mostrar esse carácter construído e os modos de funcionamento do texto o autor, etc. e em geral o campo literário na altura. Resgate-se precisamente o gosto, nom como sentido instintivo e exclusivo, mas, cientes do seu carácter construído (como todos), em forma de acto *libertável* de necessidades de assimilar-se ou adequar-se a objectivos impostos e, ao mesmo tempo, perfeitamente delimitado daquelas interpretaçons sobre ele. O crítico e o docente na sua funçom crítica, deve tentar elucidar que pessoas podem tirar prazer e cómo do texto proposto, nom impor os seus, as suas projecçons ou, claro, as projecçons do mandado.

Umha prática destas características acaba assim por ser gratificante... A qualidade literária nom será desta arte um lugar a que aspirar exclusivamente definido polos poderosos de cada momento. Entenda-se a qualidade literária assim como a produçom de valor como construçons históricas e analise-se desse ponto de vista. Isto, que pode ser visto como um mecanismo assustador, como umha ausência de hierarquias ou reconhecimentos ou de um relativismo desmoralizador, é a proposta de todo o contrário: nom acreditando nas "necessidades románticas" da produçom nem na sublimaçom demiúrgica pretende recuperar dimensons de liberdade e interpretaçom do indivíduo, contribuir para o optimismo das possibilidades de progresso e manter a legitimidade da defesa de determinadas posiçons para isso conseguir. Nom é, quero dizê-lo, umha proposta multiculturalista; porque esta aceita as hierarquias e as canonizaçons estabelecidas e aspira finalmente a ter 'um lugar ao sol', ao lado dos que já estám. Tampouco, reitero, umha pura posiçom relativista e menos passiva. Quer ser precisamente um activo frente à preguiça intelectual, fornecendo os instrumentos de análise e interpretaçom que tente liberar os indivíduos da pura reproduçom do poder, nom por ser este mau em essência ou atribuir a toda a gente umha perversidade calculada, mas por anular a capacidade de pensar, entender e formar-se, um princípio ilustrado que se enuncia em programas de Literatura para nunca mais ser cumprido.

## BIBLIOGRAFÍA

BLOOM, Harold (1995): The Western Canon, London, Papermac.

(2000): How to Read and Why?, London, Fourth State.

BOURDIEU, Pierre (1985): La distinction : critique sociale du jugement, Paris, Les Editions de Minuit.

## METODOLOXÍA E EPISTEMOLOXÍA

- \_\_\_\_\_(1997): Les usages sociaux de la science. Pour une sociologie clinique du champ scientifique. Paris, INRA.
- BOURDIEU, Pierre; PASSERON, Jean-Claude (1983): La reproduction: éléments pour une théorie du système d'enseignement Paris: Minuit.
- CABO ASEGUINOLAZA, Fernando (2001). ?La novela picaresca y los modelos de la historia literaria?. Edad de Oro: XX, 23-38.
- \_\_\_\_\_ (2001). ?National Canon Formation as Interliterary Process: The Spanish Case?. Literary Research/Recherche Littéraire: vol. 18, 35.
- CASAS, Arturo (2000): "?Problemas de Historia Comparada: la comuniDad interliteraria ibérica?. *Interlitteraria*: 5, 56-75. Monográfico?Culture and Nation at the Turn of the Millennium?.
- \_\_\_\_ (2001). ?Bibliografía sistemática de Teoría literaria?. Número especial do *Boletín Galego de Literatura*: 26
- CEBRIÁN, José (1996): "Historia Literaria", in *Historia literaria de España en el siglo XVIII* (Francisco Aguilar Piñal, editor), Madrid, Trotta CSIC, 513-592
- DOMÍNGUEZ, César (2001): "Literatura comparada, medievalismo y la crisis del euro-centrismo. ?Emergencia de una nueva disciplina??" *Voz y Letra*: XII (2), 5-33.
- EVEN-ZOHAR, Itamar (1997): "Polysystem Theory" (Revised version). <a href="http://www.tau.ac.il/~itamarez/papers/ps-th-r.htm">http://www.tau.ac.il/~itamarez/papers/ps-th-r.htm</a>.
- LÓPEZ, Rosa María (1996): Bibliografía sobre la historia de la literatura española en su contexto institucional (índice cronológico), *El Gnomo*, nº 5, 205-224.
- MELLO, Maria Elizabeth Chaves de: "História da literatura: um projecto romântico com respaldo cientifista", literário brasileiro e a 'outra independência", <a href="http://www.pucrs.br/fale/pos/historiadaliteratura/gt/">http://www.pucrs.br/fale/pos/historiadaliteratura/gt/</a>.
- NÚÑEZ, Gabriel: "La literatura al alcance de los niños", El Gnomo, nº5, 185-224.
- RAMOS, Tânia Regina Oliveira: "Literatura como disciplina . Sabe quanto mede o meu saber?, <a href="http://www.pucrs.br/fale/pos/historiadaliteratura/gt/">http://www.pucrs.br/fale/pos/historiadaliteratura/gt/</a>.
- "Real Decreto 937/2001, de 3 de agosto, por el que se modifica el Real Decreto 1345/1991, de 6 de septiembre, modificado por el Real Decreto 1390/1995, de 4 de agosto, por el que se establece el currículo de la Educación Secundaria Obligatoria". *Boletín Oficial del Estado*, 7 de Setembro, 2001.
- "Real Decreto 3474/2000 de 29 de diciembre por el que se establecen las enseñanzas mínimas del Bachillerato". Boletín Oficial del Estado, 16 de Janeiro, 2001.
- ROMERO, Leonardo (1996): "La historia de la literatura española en el siglo XIX (materiales para su estudio), *El Gnomo*, nº5, 151-183.
- ROUANET, Maria Helena: "Crítica e história da Literatura no século XX: verso e reverso da mesma moeda?", <a href="http://www.pucrs.br/fale/pos/historiadaliteratura/gt/">http://www.pucrs.br/fale/pos/historiadaliteratura/gt/</a>
- SERRA, Tania R. Costa (2002): "O mapeamento do 'DNA' literário brasileiro e a 'outra independência", <a href="http://www.pucrs.br/fale/pos/historiadaliteratura/gt/">http://www.pucrs.br/fale/pos/historiadaliteratura/gt/</a>.

- SINOPOLI, Franca (2002): "La historia comparada de la literatura", in Introducción a la literatura comparada (A. Gnisci editor), Barcelona, Crítica.
- THIESE, Anne-Marie: La création des identités nationales. Europe XVIIIe XX siècle, Paris, Seuil.